

東鄉縣志卷四

疆域

我

國家聲教所被罔閒西東同軌同文固已無此疆爾界
矣然嘗考禹貢畫州分域於梁州則曰華陽黑水亦
如荆及衡陽之文是即後世言疆域必言四至之權
輿也

國朝措置區宇畫疆分理大而一省有一省之疆域小
而一邑有一邑之疆域所以重職守專責任也則東

東鄉縣志

卷四

疆域

一

邑之四至八到安可以不詳哉志疆域

縣治在布政司東一千二百九十里在府東少北九
十里東西距三百七十里南北距二百六十里

東自縣門鋪歷石門堡黃石溪現石壩南壩場黑溪
場節溪金龍溪小坪溪木瓜溪長樂鎮高橋關至夔

州府屬開縣界三百里懸崖鳥道不通輿馬西自縣門鋪歷

黃村黑石鋪黑龍溪胡家坪至達縣界七十里山勢雖峻

可通輿馬南自縣門鋪歷三灣鋪天生橋七里峽至新

寧界六十里路雖險狹尚通輿馬北自縣門鋪歷椒坪銅坎

磨刀廠溪官渡鐵礦各舖至太平縣界一百八十里

山路雖可通東南至新寧縣界一百六十里

西南至達州界五十里 東北至太平縣界一百八

十里 西北至保寧府巴州界二百里以上四路不通大道山險

行難東西廣四百一十里 南北袤三百五十里